

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija o pitanjima ljudskih prava, imigracije, izbjeglica i azila
Broj: 01/5-190/99.
Datum. 01.10.1999.g

Z A P I S N I K

sa 4. sjednice Komisije o pitanjima ljudskih prava, imigracije, izbjeglica i azila

Sjednica Komisije, zakazana za 01.10.1999. godine u 12,00 sati, počela je u 12,30.
Sjednici su prisustvovali: Abdurahman Malkić, predsjedavajući komisije, Ana Havel, Mediha Filipović, Mara Perkanović i Sejfudin Tokić.

Pored članova Komisije sjednici su prisustvovali:

- ispred Savjet ministara: Dragiša Stanković; pomoćnik ministra za civilne poslove i komunikacije, Hamdo Tinjak, šef Kabineta zamjenika ministra za civilne poslove i komunikacije, Mario Nenadić i Zorka Pudar, članovi radne grupe Ministarstva civilnih poslova i komunikacija za izradu Prijedloga zakona o imigraciji i azilu BiH;

- ispred međunarodnih organizacija: Arči Tuta, svjetnik visokog predstavnika, Aleksis Hupin, ispred Odjela za pravnu zaštitu OHR, Sara Edlund, oficir za zaštitu UNHCR-a.

Za sjednicu je usvjejn slejedeći

D N E V N I R E D

1. Usvajanje zapisnika sa 3. sjednice Komisije,
2. Razmatranje Prijedloga zakona o imigraciji i azilu BiH,
3. Izrada plana posjete članova Komisije pojedinim opštinam u BiH,
4. R a z n o.

Ad – 1: Usvajanje zapisnika sa 3. sjednice Komisije

Na zapisnik nije bilo primjedbi.
Zapisnik je usvojen jednoglasno.

Ad – 2: Razmatranje Prijedloga zakona o imigraciji i azilu BiH

Predsjedavajući je pozvao predstavnika predlagača da podnese obrazloženje Prijedloga zakona.

Prvi se za riječ javio Hamdo Tinjak, koji je na početku rekao da Savjet ministara nije zvanično odredio predstavnika Savjeta, a da on prisustvuje kao šef Kabineta zamjenika ministra civilnih poslova i komunikacija gospodina N. Rečice.

Prigovorio je poslanik Sejfudin Tokić, rekavši, pored ostalog, da, ako Savjet ministara nije imenovao ovlaštenog predstavnika, pojedinci ne bi mogli učestvovati u radu Komisije.

Predsjedavajući Malkić je rekao da su to ljudi koji su radili na pripremi Prijedloga zakona i da bi bilo dobro da saslušamo njihova mišljenja.

Mišljenje g. Tokića podržala je poslanik Mara Perkanović, rekavši, pored ostalog, da je neozbiljno što Savjet ministara nije poslao kompetentne osobe na sjednicu Komisije.

Pomoćnik ministra Dragiša Stanković je rekao da prisutni iz Ministarstva nemaju zvanično odobrenje i da do sada i nije bila praksa da se odobrenje daje u pisanoj formi. Međutim, naglasio je da se po prisustvu osoba iz Ministarstva vidi da Ministarstvo civilnih poslova i komunikacija nije sinhronizovano. Naglasio je da su sjednici Komisije prisutni ljudi koji su radili na izradi Prijedloga zakona i da mogu, ukoliko je Komisiji potrebno, dati stručna objašnjenja i pomoć prilikom rasprave o Prijedlogu zakona.

Poslanik Ana Havel je naglasila da su prisutni iz Savjet ministara ovlašteni da prisustvuju sjednici Komisije i da bi Komisija mogla nastaviti rad. Istog mišljenja bila je i poslanik Mediha Filipović.

Međutim, poslanik Tokić je izrazio nespremnost "da sluša pojedinačna mišljenja", pa je napustio sjednicu Komisije, zbog čega Komisija više nije imala kvorum za rad jer su ostala samo 4 člana.

Predsjedavajući je predložio da se rad sjednice nastavi u ponedjeljak, 4.10. t.g. u 14 sati, pa su sjednicu napustili i predstavnici Savjeta ministara i predstavnici međunarodnih organizacija.

U 12,55 sati na sjednicu je stigao poslanik Smail Bećirbašić, koji je prisutne upoznao da je kasnio zbog problema na putu.

Pošto je dolaskom g. Bećirbašića Komisija dobila kvorum, nastavljen je rad po 3. tački dnevnog reda – izrada plana posjeta članova Komisije pojedinim opštinama.

Ad – 3: Izrada plana posjeta članova Komisije pojedinim opštinama u Bosni i Hercegovini

Predsjedavajući A. Malkić je u uvodu, pored ostalog, rekao da bi ova komisija trebalo da posjeti pojedine opštine i gradove, kojom prilikom bi se sa predstavnicima odgovarajućih institucija razgovaralo o stanju ljudskih prava sa stanovišta Evropske konvencije o ljudskim pravima, Aneksa VI, VII i VII Opšteg okvirnog sporazuma o miru u Bosni i Hercegovini i drugih dokumenata, te učinio podsticaj da se prava građana ispoštuju i ubrza rješavanje njihovih problema.

U diskusiji su učestvovali svi prisutni članovi Komisije – Ana Havel, Mediha Filipović, Mara Perkanović i Smail Bećirbašić.

Pored problema iznesenih u diskusiji povodom tačke dnevnog reda, gospođa Filipović je upoznala Komisiju da uskoro Bosni i Hercegovini dolaze u posjetu članovi Komisije Savjeta Evrope o ljudskim pravima, pa je predložila da se ugovori sastanak te komisije sa Komisijom predstavničkog doma o pitanjima ljudskih prava, imigracije, izbjeglica i azila.

Poslije diskusije zaključeno je sljedeće:

- da predsjedavajući Komisije uputi dopis Ministarstvu civilnih poslova i komunikacija BiH, kojim će zatražiti informaciju koja će sadržavati sve relevantne podatke o izbjeglicama i raseljenim licima iz Bosne i Hercegovine. Nakon prijema informacije Komisija će istu razmotriti i dogovoriti se o daljim aktivnostima na tom pitanju;

- da se programira sastanak Komisije sa predstavnicima Komisije Savjeta Evrope o pitanjima ljudskih prava.

Nastavak 4.sjednice Komiiije, radi razmatranja Prijedloga zakona o imigraciji i azilu BiH, određen je za ponedjeljak, 04.10.1999. godine u 14,00 sati.

4.10.1999.godine Komisija ponovo nije imala kvorum za rad. Sjednici su bili prisutni Abdurahman Malkić, predsjedavajući Komisije, Mediha Filipović i Smail Bećirbašić. Mara Perkanović se javila da zbog zastoja na putu ne može stići na sjednicu. Takođe je Ana Havel javila da je spriječena da sjednici prisustvuje.

Na nastavak sjednice došli su predstavnici Ministarstva civilnih poslova i komunikacija Dragiša Stanković i Zorka Pudar.

Sjednici su prisustvovali g. Aleksis Hupin - Odjel za pravnu zaštitu OHR-a i g. Sara Edelund, oficir za zaštitu UNHCR-a.

Predsjedavajući i prisutni članovi Komisije su od predstavnika Savjeta ministara i međunarodnih organizacija zatražili određena objašnjenja o pojedinim odredbama Prijedloga zakona o imigraciji i azilu. Međutim, pošto Komisija nije imala kvorum za rad nije se mogao zauzeti stav o predloženom zakonu.

Treći nastavak 4. sjednice Komisije održan je 13. oktobra 1999. godien u 10 sati. Sjednici su prisustvovali Abdurahman Malkić, Smail Bećirbašić, Sejfudin Tokić, Ana Havel, Miodrag Deretić, Mara Perkanović i Branislava Jovanović. Ispred Savejta ministara prisustvovao je Nudžeim Rečica, zamjenik ministra za civilne poslove i komunikacije, kao i Aleksis Hupin ispred Odjela za pravna pitanja OHR-a.

Komisija je nastavila rad po 2. tački dnevnog reda 4. sjednice Komisije – **Razmatranje Prijedloga zakona o imigraciji i azilu Bosne i Hercegovine.**

Gospodin Nudžeim Rečica je podnio obrazloženje Prijedloga zakona. Takođe je iznio stav Vijeća ministara o amandmanima podnesenim na Prijedlog zakona na prvom dijelu 11. sjednice Predstavničkog doma. Naglasio je da Savjet ministara nije prihvatio amandmane poslanika Branislave Jovanović, Vita Rakića i Abdurahmana Malkića, te je to obrazložio. Predložio je da Komisija predloži Domu da Zakon o imigraciji i azilu prihvati u predloženom tekstu jer se do istog došlo nakon jednoipogodišnjeg rada i teškog usaglašavanja.

U diskusiji su učestvovali Sejfudin Tokić, Miodrag Deretić, Abdurahman Malkić, Ana Havel i Branislava Jovanović, kojom prilikom su, pored ostalog, izražena neslaganja o podnesenim amandmanima.

Poslije diskusije Komisija je jednoglasno zauzela stav da načelno podržava donošenje Zakona o imigraciji i azilu. Međutim, Komisija nije imala jedinstven stav o predloženim amandmanima na Prijedlog zakona, kao ni o primjedbama na pojedine odredbe Prijedloga zakona.

Ad – 4: R a z n o

U okviru ove tačke dnevnog reda predsjedavajući Komisije je predložio da Komisija zauzme stav da Predstavnički dom osudi pokušaj ubistva zamjenika sekretara Skupštine opštine Srebrenica, gospodina Muniba Hasanovića.

Članovi Komisije se nisu htjeli upuštati u raspravu o ovom pitanju, pomenuvši i niz sličnih incidenata o kojima se na Komisiji nije raspravljalo. Predložili su da to gospodin Malkić na sjednici Doma iznese kao poslanik.

SEKRETAR KOMISIJE
Rajka Stanišić

PREDSEDAVAJUĆI KOMISIJE
Abdurahman Malkić